

I6 DACHAU (D)



Le deportacije kata vuni Řomengê taj Sintongê grupe ande l' KZ-ura teljarde već ando bêš 1938. Ando bêš 1939 teljarde masovni deportacije ando Dachau, Buchenwald taj Ravensbrück, kaj miji de miji Řom taj Sinti andaj Austrija arêse ande KZ-ura te bi kêrenas zorasa bući. Svako deportacija kata řom taj řomnja, save sas zurale la bućakê, mêklja lengê familije, save ašile palpale, bi grižako, le lokalni, socialni servisur sas te grižin anda lende. Le lokalni raj rode anda kodja so maj but deportacije! Ande l' KZ-ura fuladja e SS le řobon pe diverzni kategorije. Von suvde pe lengê gada trianglur kaj sas ande diferentni farbe. Le Řomengê taj Sintongê thode sja maj but kale trianglur, save sas pala „asocialni” řobur. Ande vuni logorja sas jek specifično řobongi kategorija pala “Zigeuner” lengo šêmno sas jek melaxno trianglo.

1910

1951

1938

💡 Žanglen tumen

...kê skoro ande svako KZ kata o Trito Rajx arakhadonas Řom taj Sinti?

✍ Tumari bući

La identifikacijako numero jekhê řobosko pe fotografija sî 17093. Zumaven te arakhên maj but informacije pa kodo manuš.

📷 Paj fotografija

Austrijakê Řom ando KZ Dachau ka 20. juli 1938. O fotografo Friedrich Franz Bauer kêrdja kaća fotografija palaj SS. Archiv der Gedenkstätte Dachau/Deutschland.



<https://www.romasintigenocide.eu/kelderash/i>